
ХАЙРУЛЛО БОЗОРОВ ВИЛОЯТДА ЖИНОЯТЧИЛИК ВА ҲУҚУҚБУЗАРЛИКЛАРНИНГ ОЛДИНИ ОЛИШ БЎЙИЧА АМАЛГА ОШИРИЛАЁТГАН ИШЛАР, ВИЛОЯТ ИЧКИ ИШЛАР БОШҚАРМАСИДА ЯРАТИЛГАН ШАРТ-ШАРОИТЛАР БИЛАН ТАНИШДИ

Вилоят ҳокими Хайрулло Бозоров Фарғона вилояти ички ишлар бошқармасида бўлиб, вилоятда жиноятчилик ва ҳуқуқбузарликларнинг олдини олиш бўйича амалга оширилаётган ишлар ҳамда ходимларнинг самарали хизмат қилишлари учун яратилган шарт-шароитлар билан танишди. Хайрулло Бозоровга вилоят прокурори Бахтиёр Исмоилов ҳамроҳлик қилди.

Сўнгги йилларда Фарғона вилояти ички ишлар бошқармаси биноти қайта таъмирланиб, ходимлар учун янада қулай шарт-шароитлар яратилмоқда. Соҳага энг сўнгги, замонавий ахборот-коммуникация технологиялари жорий этилмоқда.

Жараёнлар билан танишиш пайтида вилоят раҳбарига “102” ахборот маркази, бу ерга ўрнатилган замонавий технологиялар ва уларнинг ишлаш имкониятлари ҳақида батафсил маълумот берилди.

Вилоят ҳокими янги ташкил этилган 1-минтақавий мувофиқлаштириш бошқармаси фаолиятини кўздан кечирди.

Шу куни бошқарма ҳовлисида янги ҳарбий техника, автотранспорт воситалари ва қурол-аслаҳалар кўргазмаси ҳам ташкил этилди. Тезкор вазифаларни бажарувчи сафарбар отряди ҳамда патруль-пост хизмати ходимлари ўзлари ишлатаётган ҳарбий техникалар ва эришаётган ютуқлари ҳақида сўзлаб беришди. Эксперт криминалистика бўлимига қарашли янги баллистик лаборатория ҳам эътиборни тортди.

[Бизни ижтимоий тармоқларда кузатинг Facebook,](#)
2021-09-09 09:47:22